

Títelē lírũ ke Pɔɔli uu Timotee n wói

Lelēe rítelē ntí kémēe ní we

Pɔɔli yee rítelē lírũ ntí Timotee wói. Rɔm kuyu-i ke Pɔɔli uu kukpaniilee-i we un ne rítelē ntí wólu (1:8). Amá uakpanii ye nkpeni páápúle ai tósu mefoi (2:9). Ai u wai yare mpa úye ye u ηmeriyele (1:15-4:10). Luki ηmane yee ukekúri tónē (4:11). Pɔɔli uú ne Timotee tēni re uké mekēe u leepɔ (4:9). Un n sónepɔ, uké ne Mariki ne ilũ yee ppe Turowaasi-pɔ m mēsũ tipénepɔ. U músu re unkpɔ itupe ye tulle (4:6) amá úu ppe pakare re u yé piyéne u rikpá. Piwéékuse ppe n tívēse Pɔɔli uú ne kukpaniilee loni ne icélaa kópe yee n náasi iké Uléécaā icápine kpu nnya, Pɔɔli uu Timotee itisi kpá re uké aseī atɔpi n tɔpu (2:14).

Ifaaci iyē mekériine ye mmé:

1. **Nsímé** Kεcire kapi Timotee rimmúise (1:6-2:13) Isoi sone kai m pise re uyee Nsímé Kεcire ne n keisi uké m má: Pikei nla ne ikari ne ηηmóópú (1:6-18). Lē ke ukeikó uu mewai m má, aí ne tósu lē kuu yé Nsímé Kεcire kecáá íwe n li (2:1-13).
2. **Timotee pikei** Uléécaā icápine kémēe (2:14-4:5) Lē kuu yé picélaa nōme keyu-i n wa (2:14-26) Lē kuu yé amúhē tɔrɔ kémēe n wa (3:1-17) Nléécaasimé picélaa (4:1-5)
3. **Timotee ne** Pɔɔli metone (4:6-18)

Iyáhaa

¹ Nē Pɔɔli ye Kirisi Yeesu utume le Uléécaā mela kémēe. U né forii re ké nfáa kari Kirisi Yeesu kupénecɔ kémēe n yé pisi riyóó. Uléécaā yee rinóo lē tó yekei. ² Nēe kenépipi

kecire Timotee waiṗo: Urósáa Uléécaá ne Urópiima Kirisi Yeesu piké ípeelé ne nfanare pó nyíse api nkínjine pó he.

Pɔoli ye Uléécaá pɔnɛse

³ Ne Uléécaá kam n keisi ne kefa kese yare pinésáayaha meɔ yáasi. Ne ye u yáasile nṗá píyei kam ye keṗócaá n welu ketúnjé ne kesine. ⁴ Ne ye meṗónini kecáá léisele ai pɛe meyánsei ripóɔ né wai re ké piyéne pó rikpá, mpɔnare nké pɛe meyá né lɔ. ⁵ Ne mpófatenɛ meɛ nṗn kecáá kecáá mewai m má léisele. Nfatene mmɛ ke upóniyaha Loisi ne upóni Enisi apí pɛe má. Ne ne kefa tenelɛ te pɔ nfatene mmɛ ncɔ mále. ⁶ Lɛ nnya kam pó léise re a ihɛe iyɛ ke Uléécaá uu pó n he kumúnjé kpe-i kam anípe keṗócaá rinláa yónje. ⁷ Likumúnjé re Uléécaá uu nfáa ró he re nké tó rifúródse, amá nnaɛ ne nla ne mewéesesohɔ knn ye ró he.

⁸ Lɛ nnya, isei lí kape pó wa ne Urópiima nsímé pikódónú. Néɛ kɔ nní kukpaniilee-i n we Urópiima nnya, nnékó nṗn kape isei pó n we. Amá a tíyese tóké kesé Nsímé Kecire iwe li, pɔn ne nnaɛ mmɛ ke Uléécaá uu pó n he tálɛ. ⁹ Uyee ró yóriye uu ró séi re tóké ripóló umpuri, ái re lirówaiwai linyine nnya, amá uké kelene ketɛ n wa, u pɛe yekei re uké ne Kirisi Yeesu ritiki uké ne ípeelé ró nyíse. ¹⁰ Amá Uróyulale Yeesu Kirisi mekame ketɛ kecáá ye nkɔpéni ípeelé iyɛ tipéresɛle lin nyáni. Li we re u tíyesele nkɔpɔ nṗn nkɔpéni nnaɛ nka má, uu pɛe Nsímé Kecire ne tiki uú ne nfáa kɔɔciré ró nyíse.

¹¹ Ké ne Nsímé Kecire mmɛ tinkódónú nnya ke Uléécaá uu tíyese am utume ne ucélaa. ¹² Liiwe kam kɔ nní le, nṗá ne lɛ, ái kɔ isei né we, likumúnjé re ne nyule uyɛ kaṗn ne kefa n tene. Ne kɔ nyu re u yé fe uu lɛ kuu né rimmúise kecáá paí hái ne ketúhaaneyaa-pɔ.

¹³ A tíyese anó kecire nyē kam pó n céesi ne íla mmē kaa nó ne Yeesu kupéneco kémee n yē liké mpócée kaa nfatene kémee n tíkilē. ¹⁴ A icélaa sone iyē ke Uléecaa uú ne Nfáasone mee kepómee n we rintíki uú ne pó múise nsone rimúlú.

¹⁵ Yare kaa nní n nyu, Asii ketē pikó nnéi ye né ηmeriyele. Pē ne pē pē kepire né riñtō kémee, Fiseli ne Erimoseeni ye wele. ¹⁶ Upíima yé kusoi Onesifōo keyo wa. U nnóo kulúu itisi né hele, úu nkpáni nē ukpaniikó isei wa. ¹⁷ Amá kuu Róm-i n ka, u né wélaankeele meyíkíyiki uú ha ne né yénu. ¹⁸ Upíima uké tíyese Uléecaa uké ketúhaaneyaa ketúné kusoi u wa. Pō kō nyule nsone re pikiei pē nnéi kuu hái Eféesi-pō né n wa ápi kumúné má.

2

Yeesu Kirisi usóoca kecire mewee

¹ Pó kenépipi, a ípaelé ke Uléecaa uu tó ne Kirisi Yeesu kupéneco kémee ró n nyíse ne ritiki aá ne itisi mepócíre n hele. ² Mmē nnéi kaa nnénóo-i n kó píseérakó kulúu keyu-i, a písoi kaá ne ripóo n láárú pē yé n fe api picó céesi ritóse.

³ Póoké kō ηmurei, tó ne mpó tóké íwe li yare Kirisi Yeesu usóoca kecire. ⁴ Usóoca un upikei-i n we, un n la umewai meké ne uuwéese n sá, úu ye pēpē ápi isóoca n wai likó ne kutu n colē. ⁵ Ukáhamewure uké ne n kpsi, li pise re uké itóó isé rimúlú. ⁶ Ulame yee n lã ai u toru yee yé ufoíé uiwe piluke li. ⁷ A lē kam nní pó n símisi kō, Upíima yé mpá yo-i mesohō pó he.

⁸ A Yeesu Kirisi yee nkpo-i n yisi uu nfáa yenu kecáá léise. U Tafiti keyase le yare lē ke Nsímé Kecire kam nó n símisi nn n tee. ⁹ Nsímé Kecire mmē nnya kam nní íwe le, ticuruu api akpanii né wai yare uwaikópekóo. Amá

ápi Uléécaá nsímé pḥ akpanii wa. ¹⁰ Lã nnya kam íwe iyē nnéí ηmurei pē ke Uléécaá uu n wée nnya, Kirisi Yeesu uké ne pē ticurruu riyu n ló api kó umeyóopi teneciré yénu.

¹¹ Nsímé mmē kam nní nó n símisi ye nsímései le re

tó ne uyē tón kesé n kpu,

ne uyē kari kó kesé nfáa yenune.

¹² Tón ikari n wa,

tó ne uyē yé kesé iyóopi li.

Tón u n ηmeriye, uyē ticurruu yé ró ηmeriye.

¹³ Tónsá asei n tikilē,

uyē ne mpá píyei asei tikilenle,

likumúhē re úu yé fe uké umecire kepire rito.

Ukeikó sone kapi m pakarente

¹⁴ Ne la re a nsone pi léise re piké Uléécaá ripaí ápi kape inóosimé kecáá n cēηaankεε. Pitele pē mpuri ápi ye líka yoriye, amá pεpεe nní kutu n cólē kai ye caai. ¹⁵ A riηmóópú aa wai Uléécaá uké pó pakare yare ukeikó uyē ke upikei ápi yé isei n wa, uyee asei n símisi lin kecíre we.

¹⁶ A íkeηene kpára iyee íi líka n yóriye íi kó Uléécaá kémeε léeri kaase. Pεpεe íkeηene iyē mpuri-i pimεcire n tanaalē yee ne Uléécaá ketaa n waile nnánári. ¹⁷ Piicélaa yee n we yare kúcapaá kpeε ipiηe n le. Pisoι pē mpuri pεe nní Imenee ne Filēti. ¹⁸ Pi asei pitíki riyále api pisoι n tee re Uléécaá ye nkḗ-i piyukuse ró masile. Lελεε tíyεε ke pisoι meyā api nfatene fóm. ¹⁹ Mpá ne lē, tikúι kecire ke Uléécaá uu n yekei ye ne kariilenle. Li rikεcáá wólaalē te: Upíma ye upikó nyule. Li kó wólaalē te: Usoι nkó yee Upíma rinyiri n sélei, uké mewai kópe kepire rito.

²⁰ Ái wura asóonlū ne nwóóweni asóonlū ηmane nyee kέyó maa kémeé we. Sihee ne apérécaripi pḥ ye kó wele. Kenyáyaa kapi ye ne acáripι kecire pikei wa. Mpá keyáa

kéye kapi ye ne acáripí fake-fake pḗ pikei wa. ²¹ Limεcō kai kō písoi kέmεé we: Úye un mékperinkpe mewai n tíye, u yé n we yare kusónlū kpē kápí ne anyá kέmεε n keisi. Pi yé ilúké u yekei uu panse ukeikó, uu ye uukeisaa yoriye. Api ye pεé ne mḗpá pikei sone píye u wai.

²² A inḡmáne likáipi-káipi ne ketaa wa, nó ne pē nó Upíima n sélei ne kefa kesε, ani mewai sone ncee ne nfatene ne nla ne nkínine wéési. ²³ Amá a inírísímé yeε íi kuláa kúka m má pipásaine kesí. Pḗ ticurúu ye nyu re pitele kii ye ne tene. ²⁴ Ái kō pree pise re Upíima ukeikó uké ye pitele wéési. Li pise re uké mḗpá úye n la, un yé fe uu ye písoi céési un kō ísuúlu má. ²⁵ Li kō pise re uké ye pεpεε ye unsímé n kési céési nḡnine kέmεε. In n la, Uléεcaa yé tíyεse api pimεfine conse api aseí ceru ²⁶ api nfasímé sone tiki, api kuníri kpee pi n tí pin kumela wai ripine kέmεé lelu.

3

Siyáa tōrō

¹ A ceri re itune pape-pape inyine ye sḡnti siyáa tōrō kέmεε. ² Písoi yé masí pimεcire lisone n wéésile, pin siwóó tḡkilē, pin pimεcire taáselē, pin tikókōri má, pin Uléεcaa nkópe símisi, ápi yéé pipimare waise, ápi yéé pakare re pi lisone pi wa, api ye Uléεcaa lisone nnéi háikuse. ³ Piakij yé n taká, ápi usocō iwe má, pin iwóhó má, pin tikpákárá má, api ye pimεcire pimúlu pōne api kō lisone pilaarō. ⁴ Pi yéé picō kepire le, pi yéé mḗpá yo-i rinákíise api kō rikókōri ne n fulaalē. Pi yé pilikáipi-káipi kecáa m músu ai tósu Uléεcaa kecáa. ⁵ Amá pōn pi n yē, pi ye n we yare pi Uléεcaa likó pakarelenle, amá api pεε leleε nfatene nnaḡe n te n yulu. A písoi pē mpuri kaase. ⁶ Pipinyine yeε síyō-i léerile api ye pinósi soi kpárá pεε méwoo méwoo n wai túi-túise. Mḗpá yo ke lipinōsi pē api káipinkeε. ⁷ Pinósi pεε

náásile piké céri, amá ápi yé píakai fe piké aseí ceri. ⁸ Yare ke Yaneesi ne Yampireesi api Moisi rinkápáá meco ke písoi pē api aseí kápáálē. Písoi pē kemúnē ye caailenle. Pi ye pin pi m peenu, pinfatene ín ye tasi. ⁹ Amá pinhómóópú ín tíka tuine. Li yé Yaneesi ne Yampireesi meco pikepire fénne, mpa úye uu pincaai ceru.

Lē kai m pise re Timotee uké wa

¹⁰ Amá pō ne kō inécélaa ne menéfine ne lē kam piwai n la ne nnéfatenē ne inésuúlu ne nnéla ne inékari ritikile. ¹¹ Pi kō pō wéékusele aa kō menéco íwe le. Pō nyule lē nnéi kam n yé Antiyōsi ne Ikoniyōm ne Lisitiri-pō. Pō íwe iyē kam nfatenē ncee kémee n li yenle. Amá Upíima ye innéi kémee né lésele. ¹² Ticurruu pepere n la piké Kirisi Yeesu ne kefa kese ritiki ye piwéékuse yenune. ¹³ Amá písoi kópe ne pinóme yé mewai kópe-i n hómópúlē. Pi yé picō fóm api kō pimecire fómni. ¹⁴ Amá pōaké icélaa kaa n yōsí pōn ne kefa i tenelē m múlīē nsonē. Tipócúruu ye picélaa pepere pō i n cési nyule. ¹⁵ Háí ipówá-me kaa Uléécaá ritelé nsímé nyu. N yé fe nn mesohō pō he aá ne Kirisi Yeesu kefa tene uu ripóyu lōlu. ¹⁶ Uléécaá Nsímé atelé nnéi ye Uléécaá kémee léerile. N ye yoriyele. N ye céesile, n ye usoi akópe nyísele nn kō tíyese usoi uu uakópe nyōnse, nn kō aseí ncee kémee usoi céési. ¹⁷ Li lē wale re Uléécaá usoi uké ne nsonē m pi uké kō ne mpa mewai sōne méye mpuri n wai nnya.

4

¹ Kirisi Yeesu ye sōntile uké pinyánnyā ne pikpōkpō túhaane. Uyee kō sōnti uké iyōopi tone. Ne la ké u ne Uléécaá keyu-i pō símisi re ² a Nléécaasimé riyóó ne hómópú, ncée ye wee ín wee, a n símisi, aa tíyese písoi piké hmurei aa pincaai pi nyíse aa itisi pi kpá, pōn pi céési ne ísuúlu. ³ Kumúnē kunyine ye sōntile ke písoi ápi yé n la

piké icélaa sɔne kutu ricɔ, amá pilipɔákó kapi yé n tikilē, api lē nnya picélaa kulúí cápine pɛe yé lē kapi pikóme n la pi n símisi. ⁴ Ápi yé asei kutu píɔ rikpá. Pi asei kepire tɔne api pɛe inóomesimé ne kutu n cɔlē. ⁵ Amá póóké mepóciɛ m múlē ípá yo kémɛɛ. A íwe ηmurei aá ne Nsímé Kεciɛ pikóónú n ηmóópúlē, aa pikei kai m pise re Uléecaa ukeikó uké wa n wai ne kefa keɛɛ.

⁶ Amá in née, itunje ye tule re ké panse inyóonsesɛɛ. Nnékpɔ itunje ye nyahaimɛɛ. ⁷ Atɔpi kecire kam tɔ, ne tɔle hái ne atɔpi ketɔ-pɔ nen kɔ nfatene múlē. ⁸ Atɔpi kam n feriyɛ ihɛɛ ye né yekeilenle: ihɛɛ iyɛɛ riyóɔpikɔη ke Upíima uu pē kuu n lɔ m pane. Utúhaane kecire, Upíima yɛɛ né ri pane ketúhaaneyaa tunjé. Ái kɔ nkpáni né ηmane kai ne páne. Amá pē nnéi pɛe umɛpɛɛɛ m mé ne ná ye yenunɛ.

Pɔɔli nkó cire kuu Timotee rinkpá

⁹ A riηmóópú aa mɛkɛɛ né lɛɛri. ¹⁰ Temaasi ye né riyále re u ketē nté likó meyá la nnya. U Tesaloniki tómpɔle. Kiresensi ye Kalasii hale, Tiiti póɔ Talimasi simpɔ. ¹¹ Luki mɛciɛ yɛɛ kenémɛé we. Nó ne Mariki ani nsé tipénɛɛ, u yé kam uu Uléecaa pikei kémɛɛ nsɔne né léni. ¹² Ne Tisiiki tunle Efɛɛsi-pɔ. ¹³ Pɔn píyɛi n sónti, aá ne kunétúkanka caacaa kam Karipusi keyɔ-i Turowaasi-pɔ n tíyɛ né pénɛɛ, aa kɔ ne Nléécaasimé atelé né pénɛɛ, aí ne tósu aseekone akó.

¹⁴ Úyu kapi ye n sée re Alekisantiri ye mewai kópe né píneile. Upíima yɛɛ yé lē kuu nní né n wa u hééle. ¹⁵ Pá ticuruu, a ne mepóciɛ u tí, aí líka nnya, u riηmóópúle uu mmē nnéi kari n símisi kóɛ.

¹⁶ Keyáa foí kapi né n túhaane úka úu né lē, pinnéi kapi kenépire le. Uléecaa úu kape pimewai mē pi korí.

¹⁷ Upíima ye kenépire nyerele uu nnaηe né he am fe am

unsímé yóó mpuri sane pikó nnéi api kóm, uu kə kúkinaá nnə-i né lese. ¹⁸ Upríima yé likópe nnéi-i né lese uu meyíkíyiki tíyese am Ulééca iyəpi-i loni. Umeyəpi meké n taálǽ rúpa píyeyi-pə! Amí.

Iyáhaa tərəə

¹⁹ A Pirisili ne Akilasi né yáási aa kə Onesifə keyə né yáási. ²⁰ Erasiti ye Korenti-i mėsunle, am Torofim Miletipə yápə re ái u láárú nnya. ²¹ A riηmóópú aá weri nnyiyey píima kumúηé kuké keleney tu. Epulusi ne Putensi ne Linusi ne Kulootiya ne pimárecə tərəə nnéi ye pə yáhaapə.

²² Ulééca uké kepəpire n we! Upríima uké ípəelée nó nyíse! Amí.

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

PDF generated using Haiola and XeLaTeX on 11 Sep 2021 from source files dated 10 Sep 2021

1bac8ff9-a7c9-52ef-bb5e-7155dd6ba1a1